



UNIVERSITÄTS-
BIBLIOTHEK
PADERBORN

Universitätsbibliothek Paderborn


**Christ. Francisci Paullini, Ferrariâ-Thuringi, Rerum Et
Antiquitatum Germanicarum Syntagma**

Paullini, Christian Franz

Francofvrti ad Moenvm, 1698

L. B. S. P.

urn:nbn:de:hbz:466:1-44860



L. B. S. P.

Autor hujus scripti, meam si probaveris conjecturam, fuit *Joannes de Isenach*, Decanus olim Ecclesiæ cathedralis *Numburgensis*, cuius mentio fit in *chronico Portensi*, (a) quod *M. Justinus Pertuchius*, ejusdem Monasterii Rector, duobus libris distinctum, AD. MDC XII. nobis dedit, ubi anno MCCCCLII. unà cum *Joanne Magdeburgo*, Præposito, *Eileru Rogehusio* Seniore, & toto Capitulo *Numburgensi*, pactum quoddam confirmavit inter *Joannem*, hujus nominis secundum, at decimum septimum Abbatem, & *Henricum Mangoldum*, Canonicum & obedientiarium, (ut vocant) *S. Kiliani*. Aliquando simpliciter nominari voluit *Joannes Isenach*, modò *de Isenach*, & *Joannes Isenachensis*. Vixit sub *Petro Haugwitzio*, Episcopo Numburgensi XXXIII. qui ab anno MCCCCXXXV. in annum MCCCCLXIII. sedet, & Successoribus hujus, *Georgio Haugwitzio*, & *Theodorico*, hujus nominis III. ex nobili *Burgsdorfiana* gente sato; desit autem circa annum MCCCCCLXVII. in festo S. Thomæ sub *Henrico II*. Famulus & amanuensis ejus erat *Caspar Holtzapfel* Wangenhemensis, qui postea in Collegio B. Virginis *Isenaci* factus est *Scholasticus*, vixitq; adhuc anno MCCCCXCVI. Abs hoc scriptum istud accepit *Franciscus Sixtus*, ejusdem reformati Collegii Canonicus ultimus, qui Genero suo *Joanni Himmelio*, Proto-Diacono *Isnaciensi*, Proavo meo, hujusmodi rerum amico, tradidit, & ab hoc jure hereditario tandem ad me pervenit. Scripsit equidem *Paulus Langius*, industrius cœnobita *Bozaviensis*, Ordinis

(a) l.l.c. 3. p. 147.

Bene-

PRÆFATIO AD LECTOREM.

Benedictini, amplum rerum *Numburgensium* Commentarium in
chronico suo *Citizenſi*, (quod mancum mutilumq; aliquando de-
prehendi, ut ad Historiam *Wigmanni & Joannis I.* monui,) à prima
fundatione, i.e. ab AC. D^oCCCCLXVIII. usque ad MDXV. Ve-
rū extra chorū semper saltat monachus, & cum leonibus ali-
quando vulpes congregat prolixitatis studiosus. *Anonymus* vero
noster ea tantū notavit ^{in folijs}, quæ in sua æde gesta sunt, seu
prava aut recta fuerint. Qui ^{λακαρισμὸς} mihi sanè placet. Quodve-
rò *Nuenburgensium* Præsulum meminisse voluerit, ideo factum
remur, quia Sedes Pontificalis Cizâ *Numburgum* citius translata
est, ibiq; vix ultra sexaginta annos stetit, sic ut à potiori facta sit
denominatio. Dedit etiam D. *Caspar. Sagittarius*, Professor Je-
nensis & Historicus Ducalis Saxonicus, repetitam Præsulum
Numburgensium historiam anno MDCLXXXIII., à prima Epi-
scopatus origine ad annum MDCLVI. Forsan uterque usus est
hoc MSto, & *Langius & Sagittarius*, licet neuter ejus meminerit.
Cum enim ille ex variis chronicis, & quarundam Ecclesiarum ca-
thedralium annalibus sua collegerit, hoc sanè scriptum vix effu-
gerit visum manusq; ejus. *Sagittarius* autem quondam mentio-
nen fecit *Anonymi* cuiusdam minutus chronicus *Numburgensis*, ne-
scio tamen, an hoc nostrum indigitarit, vix verò mea me fefellerit
suspicio. Et D. *Jacobus Wolfius*, Med. Prof. Jenens., paulò ante ex-
cessum scripsérat mihi de chronico *Numburgensi*, ab *Ignacensi* quo-
dam collecto. Quod sanè non aliud fuerit quam nostrum. Diu
ergò hæsi, an luce seu orco dignius judicari queat hoc schedion.
Cùm tamen ^{δίε καὶ ιοὶ τὸ καλὸν}, etiam ea hīc interdum reperiantur,
quæ nec *Langius* vel *Sagittarius* habet, nulla quoque satietas re-

(S) 2

rum

PRÆFATIO AD LECTOREM.

rum honestarum sit; inest enim rebus egregiis ea vis, ut quō
sæpius ac pressius inspiciantur, eò magis ac magis placeant, suā
aliorum, queis bellæ sordes istæ deliciæ sunt, *Syntagmati* meo
adficere volui, quod ut æqui boniq; consulas L. B., voti mei
summa erit. Vive feliciter! *Ferrariæ Thuringorum A. S.*
MDCXCVIII.

Languis hoc saxum volvens, quadrata rotundis
muscuit, haud curans, alba vel atra sient.
At *HIC* Pastorum dans *acta* & *facta* suorum,
extra oleas mentis non spatiatur inops.
Omnia succinctè, sed suaviter, & sine fumo
sistit, & addit, quæ nesciit iste *Pater*.
Lux est in tenebris: *lucem* sed amabimus omnes;
Paullini nobis *Lucifer* iste fuit.

Ocius scriptit Venerando Amico

SIMON HOHBERGER.

IN